



[Home](#) / [Habari](#) / TANZANIA YAPOKEA MKO...

TANZANIA YAPOKEA MKOPO WA SH. BILIONI 32 KUTOKA SAUDI ARABIA

09 Nov, 2023



Katibu Mkuu Wizara ya Fedha, Dkt. Natu El-maamry Mwamba na Mtendaji Mkuu wa Mfuko wa Maendeleo ya Saudi, Bw. Sultan Almsarshad wakionesa mkataba wa mkopo wa Dola za Marekani million 13 (sawa na shilingi bilioni 32 za Tanzania) kwa ajili ya mradi wa kusafirisha umeme wa msongo wa 220 kv kutoka Benaco mpaka Kyaka mkoani Kagera, katika hafla iliyofanyika Makao Makuu ya Mfuko huo, Riyadh, Saudi Arabia.

Tanzania imepokea mkopo wa dola milioni 13 sawa na shilingi bilioni 32 kutoka Mfuko wa Maendeleo wa Saudi kwa ajili ya ujenzi wa njia ya kusafirisha umeme kutoka Benaco hadi Kyaka mkoani Kagera.

Mkataba wa mkopo huo umesaiiniwa na Katibu Mkuu Wizara ya Fedha, Dkt. Natu El-maamry Mwamba kwa niaba ya Serikali ya Tanzania na Mkurugenzi Mtendaji wa mfuko huo Bw. Sultan Almsarshad, wakati wa Mkutano wa Masuala ya Uchumi kati ya Nchi za Kiarabu na Afrika uliofanyika Riyadh- Saudi Arabia.

Akizungumza baada ya kusainiwa kwa mkataba huo, Dkt. Mwamba alisema kuwa mkataba huo wa mkopo wa shilingi bilioni 32 utawezesha ujenzi wa njia ya msongo umeme wa Kilovolti 220 yenye urefu wa kilometra 167 pamoja na kuboresha eneo la Benaco - Kyaka na kujenga kituo kipywa eneo la Benaco na huduma za ushauri.

"Mradi huo chini ya mkataba tuliosaini unatekeleza Mpango wa Tatu wa Taifa wa Maendeleo wa Miaka Mitano kuanzia mwaka 2021/22 hadi 2025/26 na ni sehemu ya ajenda kuu ya Serikali ya Awamu ya Sita chini ya Mheshimiwa Rais Dkt. Samia Suluhu Hassan, inayolenga kujenga uchumi shindani wa viwanda na vipaumbele kwa maendeleo ya watu kuitia mikakati mbalimbali," alisema Dkt. Mwamba.

Dkt. Mwamba alisema mradi wa Kyaka- Benaco umekuwa ukitekelezwa kwa msaada wa fedha kutoka katika Muungano wa nchi zinazouza mafuta/petrol (OPEC) ambao umechangia dola milioni 60, Mfuko wa Maendeleo wa Abu Dhabi wa Umoja wa Falme za Kiarabu dola milioni 30 na Serikali ya Tanzania dola milioni 2.4.

Alisema kuwa mkopo uliosainiwa ni moja ya mikopo inayotolewa na mfuko huo katika kutekeleza miradi mbalimbali, ambapo Tanzania imenufaika na mfuko huo hasa katika sekta za maji, miundombinu ya Barabara na afya Tanzania Bara na Zanzibar.

Alisema kuwa Serikali imekusudia kuongeza na kusaidia uchumi na maendeleo ya jamii nchini kwa kuwezesha sekta ya nishati na kuwapatia watu wake shughuli mbalimbali za kufanya zinazotekelze na mradi huo.

Aidha aliongeza kuwa Mfuko huo utabaki kuwa mbia mkubwa kwa Tanzania katika kusaidia kukuza Maendeleo ya taifa na kuwahakikishia kuwa Serikali itaendelea kufanya kazi kwa karibu na Mfuko huo kuendeleza mahusiano ya maendeleo.

Mfuko wa Maendeleo wa Saudi ulianzishwa kwa lengo la kusaidia nchi za kiarabu. Hata hivyo mwaka 1974 sanjari na ongezeko kubwa la rasilimali walipanua wigo kwa kuweza kusaidia nchi zote zinazoendelea na sasa unasaidia zaidi nchi za Afrika na Asia.

Mwisho.

Wasiliana Nasi

Jamhuri ya Muungano wa Tanzania

Wizara ya Fedha

Treasury Square Building 18 Jakaya Kikwete Road

S.L.P 2802,
40468 Dodoma.

Barua pepe: info@hazina.go.tz

Simu: +255 26 2160000

Kurasa za Karibu

MOF Library

Misamaha ya Kodi

Taarifa kwa Vyombo vyta Habari

Matangazo

Maktaba ya Picha

Maktaba ya Video

Tovuti Mashuhuri

Benki kuu ya Tanzania

Kitengo cha Kudhibiti Fedha Haramu

Mamlaka ya Mapato Tanzania

Ofisi ya Taifa ya Takwimu

Ofisi ya Rais - Menejimenti ya Utumishi wa Umma na Utawala Bora

Tovuti Muhimu

Ikulu Tanzania